



сaйн

УДК 89
ББК 84 (2Рос=Буря)бу
3-274

«Буряад хэлэ Буряад Уласта сахин хүгжөөхэ» гэхэн Буряад Уласай гүрэнэй программын хэмжээндэ Буряадай Уласай Соёлой яаманай мүнгэн сангай дэмжэлгээр энэ ном хэблэгдэбэ

3-274 Зандраев Элбэг

**#гоёорбэшээтэй : бодолнууд, шүлэгүүд / Элбэг
Зандраев. – Улан-Удэ : НоваПринт, 2019. – 256 н.
ISBN 978-5-91121-269-8**

Танай анхаралда шэнэ ном. Энэ ном соо ехэнхидээ минии бодолнууд бэшээтэй. Өөртөө асуудал табинаб, асуудалнуудтаа харюусанаб, үгэнүүдээр нааданаб. Өөрын бодолоороо өөртөө туһалнаб.

Энэ ном уншахадаа, дүрбэн зурагуудтай уулзахат:

- хубсаһаяа шэнэлхээр болоо - 3 н.;
- хоёр шубууд хөөрэлдэнэ - 107 н.;
- гэдэһэн соо эрбээхэй ниидэнэ - 151 н.;
- луу намдаа бэшэнэ - 217 н.

Зураг бүхэн өөрын удхатай байха. Сэдьхэл ухаанай ном.

ISBN 978-5-91121-269-8

УДК 89
ББК 84 (2Рос=Буря)бу

© Зандраев Э., 2019
© Национальная библиотека РБ, 2019
© НоваПринт, оформление, 2019



хубсаһаяа шэнэлхээр болоо



Минии шэрэ худхадаг юумэн дээрэм
тон хэрэгтэй үнгэнүүд байдаг...
Тэрэ үнгэнүүдээрээ
хүнэй сэдхэл баярлуулха
һонирхолтой бодол зурадагби.



Иимэ гэр бүлэ соо түрэнхэндөө баяртайб.



Ажал бэдэрнэб,
арба нэгэнээ эхилдэг.
Байхан байха, этигэнэб,
гурба багаар тарадаг.
Ажал бэдэрнэб,
ухаагаа ехээр гүйлгэдэггүй...
Саархан дээрэ бэшэнэб:
«Хатуу ажал хэрэггүй».



Минии нагасам
эндэ хая хамгатай болоо...
Хуби заяанайнгаа харгыда
наһанайнгаа нүхэр олоо.
Зохидхон, бэрхэхэн хамгатай боложо,
танихаар бэшэ ондоо болоо...
Тиихэдэ айлшан ерээд,
нагасынгаа нюдыень хараа һэмби...
Нюдэнийнь баяраар яларжа,
шэг шарайнь наран шэнгээр туяаржа,
жаргалаа хубаажа һуугаа һэн.
Нагасым ондоо наһан эхилээ.
Нагасым жаргалтай наһан эхилээ.
Гэр бүлөөрөө хайн ажаһууг лээ.



Мүнөөдэр гэрhээ гарангүй
кино хаража huухаб...



Гэрэйм үүдэ онгойлгоходоо,
жаргалтай ороорой.



Хэн бэ даа дуу дуулахадаа бэрхэ...
Би үхэр малаа ажаллахадаа бэрхэб.



Автобус ерээ...
һуугааб.
һуужал һуунаб.
Зогсоноб.
Халта зогсоод һөөргөө һуунаб.
Сонхоор харанаб.
Сонходоо няалдаад унтанаб.
Хурхирнаб.
Һэринэб.
Эдеэлхээ һананаб.
Ном уншанаб.
Номоо хаанаб.
Миин һуунаб.
Һуужал һуунаб.
Нэгэ хүнтэй шашалданаб.
Нааданаб.
Нюдөө хаанаб.
Нюдөө нээнэб.
Нэгэ басагантай нюдөөрөө уулзанаб.
Минэд гэнэб.
Хажуудань ерээд һуунаб.
Һуужал һуунаб.
Телефонийнь тоо бэшэжэ абанаб.
Гараа һарбайнаб.
Автобусаа буунаб.



Бэлэн бэшэ байгааб
иимэ юумэнэй болоходо.



Би хүрээб...
Энэ баяр гээшэ.



Хорёогой газaa элдэбын юумэн болодог...
Хорёонойнгоо саана ябахадаа,
элдэб юумэ сэдхэлээрээ үзэхэш.
Муу һайншые ушарнуудтай дайралдахаш.
Харин ши мэдэхэш, ямаршые ушар болог,
муу сэдхэлтэй гэртээ орохогүйш.



Сонхынгоо штор хайшалаад,
гайхалтай хубсаһа оёод,
шамтай уулзахаяа ошохоб...

Намайгаа хараад хэлэхэш:

— Оо, ямар гоё хубсаһа үмдөөд ерээш,
хаанаһаа абааш?

Би тиихэдэш:

— Италиин хотоор ябажа байхадаа,
гоёшоогоод абаа нэмби...

Италида гоё хубсаһа оёдог байна.

Ши тиихэдэм:

— Нээрээшье, ямар гоёор оёно гээшэб.



Басаганайнгаа гурбатай болоходонь,
бишихан гитара бэлэглэхэб...
Утаһыень таамаг дайража байһаар
гоёор наададаг болохо.
Маанадайнгаа сэдхэл уяруулжа,
гоёшооһон дуунуудаа дуулаха.
Хэзээб даа тайзан дээрэ гаража
зоной сэдхэл хүдэлгэжэ эхилхэ.
Басаганайнгаа гурбатай болоходонь,
бишихан гитара бэлэглэхэб...
Утаһыень таамаг дайража байһаар
гоёор наададаг болохо.



Төөрижэ ябаһанаа харгыгаа олооб.



Мүнгэнэйнгөө халижа эхилхэдэнь хэлэхэб,
юумэ тодоод байгаарай...



Газаа һалхи шуурган болохо,
зосоо аажам байха.



Наһанайм түүхэ бэшэгдэжэ байна...
Шинии баһа.



Минии бага байхадам,
Нагаса эжым намдаа асуудал табяа hэн:
– Юу хэхынгээ түлөө энэ дэлхэй дээрэ
түрөөбши?
Би тиихэдэнь хэлээ hэмби:
– Эдеэлхынгээ түлөө.



Тиихэдээ һонирхолтой байгааб,
мүнөө үгы.



Энэ сагта
хэн бэ даа бууза эдижэ һууна.



Энэ сагта
хэн бэ даа гурба дахин ПАПА болоо.



Энэ сагта
хэн бэ даа шэнэ машинатай болоо.



Энэ сагта
хэн бэ даа газар дэлхэй түрүүшынхиеэ хараа.



Энэ сагта
хэн бэ даа хэндэб даа дурлашоо.



Үшөө оло дахин хубилха.



Тэрэ сагта сэдхэлээрээ тэһэрээд,
бүхы муугаа харуулаа һэмби...
Тэрэ сагта бодолни манан соо төөришөөд,
сухал соогоо шэнгэжэ байгаа һэмби...
Байтараа арай гэжэ тэгшэ болоод,
өөртөө хэлээ һэмби:
— Яажа байнаш!? Бү сухалда.
Ухаагаа бэшэ бү алда.



Хаража үзэе, юун болохоб.



Тантай урилданагүйб.



Стол дээрэхээ үндэгэн унашоо...
Тэрэ дороо инстаграм нобшоршоо.



Хоёр шоколад худалдажа абаад,
худалдааша эхэнэртэ хэлэхэб:
«Энэ танда,
үхибүүдээ хүхээгээрэйгты».



Тон һүүлшын набшаһанай унахада
шинии юртэмсэ халта ондоо болоод байха...
Үһэншни халта ондоогоор тайрагдаһан байха.
Ерээдүй сагай хаһада
тон һүүлшын набшаһан унаад байха...
Ши тиихэдэнь халта ондоо болоод байхаш.
Шэнэ бодол, шэнэ удха, ушар зуража һуухаш.
Ши мэдэхэгүйш, хаана, ямар газар дээрэ
тон һүүлшын набшаһан унахаб...
Хаана улаан шараараа, ямар хүнэй нюдэндэ
дайрагдахаб.
Магад, ши мянган зоной нэгэн сооһоо
энэ гайхалтай ушарта дайралдахаш.
Дайралдахадаа миин хаража зогсохош.
Иимэ гоё ушарай зурагдажа байхада,
сэдьхэлээрээ уяржа, жаргал асарһан
баярнуудаа һанажа байжа саашаа ябахаш.



Шинии наһанай ушарта
олон үүдэнүүд нээгдэнхэй бэлэй.
Харин үшөө олон үүдэ
ерээдүй сагта онгойлгожо болохош.
Зарим үүдэнүүд шамайгаа хүхээгээ,
зарим үүдэнүүд юумэндэ һургаа,
зарим үүдэнүүд хаагданхай байгаа.
Үүдэнүүдые нээхэ бүри
һанаандаа таараха юумэ олоогүйш...
Харин этигэнэш,
хэзээб даа тон өөрынгөө үүдэ нээхэш.



Нэгэ дахин нээгээд,
бэшэ нээгээгүй нэмби.



Үсэгэлдэр бэшэһэн бэшэгшни
мүнөөдэр нээгдээ...
Энэ бэшэгтэшни харюусаагүйб,
хуушараа бэлэй.



Бишихан хурганай багтахаар забһарһаа
буряад дуунай хүгжэм ниидэжэ гараа...
Тэрэ хүгжэм шэхэндэмни ханхинажа,
хоёр мянга табан оной саг абаашаа:
— Үглөөнэй найма багаар
нютагайм баруун талаһаа автобус харагдажа,
Улаан-Үдэһөө Байгал театр ерэжэ ябаа.
Тэрэ сагта хүүгэдхэн байгааб,
ехэ юумэ ойлгохогүй...
Харин буряад дуунай хүгжэмтэй танилсахадаа
хүдэлэнгүй, анхаралтай шагнажа һуугаа һэмби.
Сэнхир тэнгэри доро хүгжэмэй хатар наадажа,
мартагдахагүй үдэр
сэдьхэлэйм оёор соо үлөө һэн.
Бишихан хурганай багтахаар забһарһаа
танил хүгжэм ниидэжэ гараа...
Энэ хүгжэмэй түрүүшын аялганиинь
гоёхон дуу һануулаа:
— Юһэн һара... (дууланаб)



Арга.
Намда арга байна.
Энэ аргаараа тэрэ хүндэ
бишиханшые хаа туһа асарнаб.
Бишиханшые аргаараа туһалхадам,
ямар ехэ туһа болоно гээшэб...
Мянган зоной туһалхадань,
ямар ехэ түшэг болоно гээшэб.
Би баярланаб
иимэ жаргалтай, элүүр энхэ ябахадаа...
Би баярланаб
жаргалтай гэр бүлэ харахадаа...
Би баярланаб
дорюун хүхюутэй хүүгэдые харахадаа.
Тэрэ сагтаа уйданаб
жаргалгүй хүүгэдые харахадаа.
Тэрэ сагтаа уйданаб
Эжы абагүй хүүгэдые харахадаа.
Тэрэ сагтаа өөртөө асуудал табинаб:
«Юундэ нэгэ хэды зон жаргалтайб?
бэшэ зон жаргалгүйб...
Хэн бэ даа хэлэхэ:
«Та өөһэдөөл иимэ жаргал зураа ха юмта».
Хэн бэ даа хэлэхэ:
«Тиимэ хуби заяатай эдэш».
Хэн бэ даа хэлэхэ:
«Дэлхэй дээрэ элдэбын юмэн болодог...
Миин үгэнүүдээр андалсажа байхадамнай
юмэн ондоо болохогүй».



Ород хэлэнэй далай соо нэгэ буряад үгэ харагдаа...
Эрьһеэ эрье хүрэтэр буряад үгэнүүдээ бэдэржэ,
арбаш бэшэ хаа, нэгэ үгэтэй уулзашоо хаа,
жаргал һэн даа гэжэ өөр соогоо найдаа...
Тэрэ үгэтэй ниилээд, бишыханшые удхатай болоод,
бэшэнхидээ нэгэ нэгээр олохобди даа гэжэ
өөрынгөө хүсэл зураа...
Ород хэлэнэй удха соо нэгэ буряад үгэ зурагдаа...
Нэгэ углууһаа дэбхэрээд нүгөө углууда зурагдажа,
удхаараа гоёор таарана гэжэ харагдаа.
Хоёр хэлэ мэдэдэг хүндэ ойлгоходо бэлэн,
хоёр хэлээр дуугардаг хүндэ уншахада зөөлэн.



Нэгэ үүдэнэй хажууда зогсоноб...
тоншоод орохо гээд
дурасхаалайнгаа эрье дээрэ тогтошоод,
энэ үүдэнтэй холбоһон ушарнуудые ханажа эхилээб.
Энэ үүдэнэй саана
минии эдир наһан үнгэрөө гээшэ.
Энэ үүдэнэй саана
нэгэ бүлын түүхэ зурагданхай гээшэ.
Энэ үүдэн ондоо болоогүй...
Тэрэл зандаа, тэрэл хайханаараа харагдаа.
Олон жэл нээгээгүй үүдэнэйнгээ хажууда зогсоноб...
Энэ үүдээр олон зон ороһон гараһаншье,
ороһон зон сэдхэлээрээ амаржа
баяртай, жаргалтай гарадаг һэн...
Аба эжым энэ үүдээр намайгаа оруулһан.



Амтатайхан шүлэ эдижэ
амиды байһанаа мэдэрээб...
Түрүүшын халбагам энэ бэеым һэргээжэ,
хүсэ шадал намдаа асараа.
Хоёрдохи халбагам
Эжыгэйм энхэрэл һануулаа...
Эжыгэйм зөөлэн гарнуудынь
энэ сагта мэдэрэгдээ...
Гэхэ мэтэ эжынгээ эдее танияб,
тэрэл амтаниинь, тэрэл дураниинь
энэ шүлэн соо байна...
Ямар амтатай шүлэн
иимэ һайхан дурасхаал һануулаа...
Ямар амтатай шүлэн
нютагайм тала дайдаар ябуулаа...
Иимэ сагаан бодолоороо
эдеэ шанаһан хүнтэй уулзахаяа һанааб.
Уулзаха саг зурагдажа тандаа хэлэхэб:
«Сайн. Танай шанаһан шүлыетнай
үдэр бүри эдижэ байхаар.
Үдэр бүри нүхэдөөрөө, гэр бүлөөрөө ерээд
шүлэндэтнай баярлажа һуухаар».



Хүндэ бэээ үгэхэдэш, тэрэ хүн зорюуташ бэшэ хаа,
сэдьхэлыешни дайрана. Үгөөрөө дайрана.
Сэдьхэлээрээ дайрагдаһан байгаашье хаа,
тэрэ хүндээ харуулхагүйш,
юун худхагдажа байнаб шинии зосоо.
Үгы даа, энэ ушарһаа гарахамни...
Хүниие сэдьхэлдээ дэншые дүтэ болгонгүй,
дэншые ехээр няангүй,
халта холуур ябахам гэжэ бодооб...
Дэншые холош бэшэ, дэншые дүтэш бэшэ.
Дундуур.



Юундэ хуур дээрэ наадажа хураагүйбиб?
Мүнөө сагта һонирхолтой
хүгжэмэй зэбсэг болоһон байна.
Наадажа хураһан хаа,
хуурай концерт табижа,
агуу зохёолшодой хүгжэм ханхинуулжа,
нэрыень үргэжэ ябаха һэмби.
Магад, өөрэнэйнгөө зохёһон ажалнуудаашье
зонтой танилсуулха һэмби.
Юундэ хуур дээрэ наадажа хураагүйбиб?
Хуурай аялга ямаршые хүгжэм шэмэглэнэ,
ямаршые оркестр соо тон түрүү,
бүхы баян аялга хуурһаа түрэнэ бэлэй...
Ямар нарин аялга сэдхэлэй утаһа дайрана.
Хуур дээрэ наадажа хураһан хаа,
түрэхэн нютагаа эрьежэ, арад зоноо хүхеехэ һэмби.



Сэдьхэлэйм таһалга соо гал носоно...
Бишыхан галхан
зохёоһон юртэмсыемни гэрэлтүүлнэ.



Тайзан дээрэ зогсоноб.
Мийэржэ байһан зон урдамни харагдана...
Нюдэнүүдынъ яларжа
ехэ баяртайгаар намайгаа харана.
Зоной дурыень таажа һайхан дуу дуулааб...
һууриһаа бодоод альгаяа ташажа эхилхэдэнь,
өөр соогоо һанааб: «Шадаа ха юмби,
энэ дуугаараа сэдхэлэйнъ утаһа дайража шадааб...
Шэлэһэн дуунайнгаа бүхы һайханиенъ нээжэ,
гүнзэгы удхыень хөөрөжэ шадааб».
Тайзан дээрэ зогсоноб.
Мийэржэ байһан зон урдамни харагдана...
Нюдэнүүдтэнь жаргал уншагдажа,
һайн үгэнүүдые намдаа эльгээнэ.
Амиды сэсэгүүд эндэ тэндэһээ ниидэжэ байхаданъ,
багшынгаа заабариенъ һанаа бэлэйб...
Багшын һайгаар иимэ гоёор хоолоймни ханхинажа,
зоной сэдхэл хүдэлгөө. Багшадаа доро дохиноб.



Ёһотой гэжэ байдаг гү...



Хүүгэд шэнгээр харагданаш,
нахалаа табиха юм аабши...



Бодолоор юумэн дархалагдадаг хаань,
гайхалтай гоё юртэмсэ зохёохолби...



Зунай сагта саһан ороо һаань,
гайхахагүйб.



Багшанартаа баярые хүргээ.
Багшанарайнгаа нэрыень суурхуулая.



Тиихэдээ хэлээ hэмби:
— Ондоо ажал бэдэрхэмни...
Тэрэ гэнээр жэл үнгэрөө,
тэрэл ажалдаа хүдэлжэл байнаб.



Бууза шэнги өөртөө гэр барихаб.
Бууза шэнги амһарта соо бууза шанахаб.
Бууза шэнги аяга соо сай хорожо,
буузадаа баярлажа һуухаб.



Иимэ гоё хүгжэм,
эм — минии сэдьхэлдэм.



Нэгэ хуури дээрэ хуунаб.
Харин үшөө мэдэнэгүйб, тэрэ хуури гү...
Өөртөө хэлэнэб: «Нэгэ хэды хууя, хаража үзэе».
Сэдьхэлнээ шэлэнэн хургуули дүүргэжэ,
иимэ асуудал өөртөө табинаб:
— Тон өөрынгөө хуури дээрэ хууна гүб?
Байдаг юм гү тиимэ хуури!?
Энэ асуудалдаа оло мянган харюу оложо,
сэсэн харюудаа ерэхэгүй бэлэйб гэжэ ханагдана.



Нэгэ удхатай түүхэ бэшэжэ эхилхэб...
Тэрэ түүхэ соо нэгэ баян хүниие ханахаб.
Сэсэн, сэбэрхэнээр тэрэ хүниие зурахаб.
Харгынь сагаан, ажал хэрэгынь бүтэсэтэй,
жаргалтай ажаһууха.
Дуулаха, зураха, хатарха дуратай зулуушуулдаа
дээдэ хургуули орохо сагтань туһалха.
Ажалтай, байха байратай болгохо.
Элдэб мұрысөөнүүдтэ хабаадахыень
мүнгэ юумээр туһалха.



Итальян хэлэн дээрэ бэшэжэ туршааб,
намай ойлгоогүй...

Хитад хэлэн дээрэ бэшэжэ туршааб,
баһа намай ойлгоогүй...

Англи хэлэн дээрэ бэшэжэ туршааб,
намай ойлгоогүй...

Монгол хэлэн дээрэ бэшэжэ туршааб,
халта ойлгожо эхилээ...

Буряад хэлэн дээрэ бэшэжэ туршааб,
ойлгоо...



Бэрхэ һамгатай болоод,
гурбан дабхартай гэртэй болохоб.
Хорёо соом Лэнд Ровер зогсохо.
Бууза хэдэг дэлгүүр нээгээд,
«Ама хүрэ» гэжэ нэрэтэй кафе нээхэб.



Бэшэнхидээ унтахаяа хэбтэхэдэнь,
бодожо ажалаа хэдэгби.



Зарим юумэ мэдэнгүй байгаа наа дээрэ.



Шинии шалгалтаяа тушаахаяа ошоходошни,
бишни дуган ошохоб...
Шалгалтаяа таба дээрэ тушаахыешни
уншалгануудта нэрыешни оруулхаб.



Минии министр болохо сагтам
ши президент болохош.



Амиды сэсэгэй орондо
ондоо юумэ бэлэглээ наа дээрэ...
Жэшээнъ, бууза.



Үгын шэдиие мэдээд
ондоогоор дуугардаг болооб.



Тайзан дээрэ гарахадaшни,
бүхы зоной анхарал шам дээрэ бууха.
Бүхы камера шам тээшээ эрьелдэхэ.
Сэнхир экранaар шамайгаа дамжуулжа,
бүхы дэлхэй шамайгаа хараха.
Һаруулхан гэрэл шам тээшээ гэрэлтэжэ,
бүхы хубсаһаншни, шарайшни гээд
үзэлэй элеэр харагдаха...



Тангүй хаа, иимэ юумэн болохогүй нэн.



Би өөрынгөө харгытайб, ши өөрынгөө.



Та аймшагтай гоёор дуу дууланат...
Би тандаа аймшагтай гоё дуу зохёохо ханаатайб.



Мүнгэ уриһаланхаар, миин бэлэглээ һаа дээрэ...



Бишыханшые һаа, харин хурса.



Нэгэтэ, хэзээб даа, ямар бэ даа үдэр,
үхибүүтэй болохош.
Тэрэ үхибүүншни томо болохо бүри
өөрынгөө ханаа бодолтой боложо эхилхэ.
Өөрынгөө харгыгаа зуража эхилхэ.
Һонирхохо юумэнүүд бии болохо.
Өөрынгөө юумэ бэдэрхэ. Дурлаха.
Өөрынгөө гэр бүлэтэй болохо.



Иимэ бишихан аад,
өөрыгөө баабгай шэнгээр мэдэрнэ.



Бишихан Жаргалнууд хэзээ бии болохоб?



Танай хоолой

үйлсын дунда зогсоод дуулаха хоолой бэшэ...

Агуу тайзан дээрэ дуулаха хоолой.

Зүжэг, концерт нааданда дуулаха хоолой.

Газаа бэшэ. Хүйтэн агаар соо бэшэ.

Дулаан байра соо дуулажа байха хоолой.



Би зунай ерэхые хүлээдэггүйб.
Түрэнэн үдэрэйнгөө ерэхыеш хүлээдэггүйб.
Би энэ үдэртөө баярладагби.
Үдэр бүхэн түрэнэн үдэр.
Үдэр бүхэн соо зунай баяр байдаг.
Үдэр бүхэн найр.



Энэ үдэр оло мянган зон
түрэнэн үдэрөө тэмдэглэжэ байна.
Тэдэ зониие амаршалжа,
хайн үгэнүүдые хэлэнэб:
«Элүүр энхэ,
сэдьхэлээрээ тэгшэ ябаарайгты».



Эзэгүй нохой хотын гудамжаар ябана...
Өөрынгөө эзэтэй болохо ханаатай,
хүнэй хажууда зогсоодшые үзэнэ, хэншые тооногүй.
Хүнэй хойноһоонь дахаадшые үзэнэ, хэншые
обёорхоногүй.
Хотын гудамжаар гансааран ябажа байхадаа
бодол соогоо жаргал зурадаг:
– Мүнөө гансааран ябаналби даа,
иигэд гээд өөрэнэйм эзэн бии болохо даа...
Хоюуландаа газаагуур наададаг болохобди.
Долоон хоногой нэгэ дахин бэеым угаадаг болохо.
Тарган хониной мяхаар эдеэлүүлдэг болохо.
Ээ-эх, баян эзэн дайралдаһай даа минии харгыдамни,
бүри гоёор, жаргалтай ажаһуухаб даа.
Гансааран ябангүй, эзее дахаад ябадаг болохоб.
Намтай наадажа бүмбэгэ шэдээ һаань,
һөөргэнь асаржа ерэхэб.
һуу гээ һаань, һуухаб. Хэбтэ гээ һаань, хэбтэхэб.
Ямаршые юумэ хэ гээ һаань, хэхэ бэлэйб.
Харин иимэ жаргал бүтэхэгүй шэнгеэр һанагдана юм...
Эзэгүй нохой хотын гудамжаар ябана...
Өөрынгөө эзэтэй болохо ханаатай,
хүнэй хажууда зогсоодшые үзэнэ, хэншые тооногүй.
Хүнэй хойноһоонь дахаадшые үзэнэ, хэншые
обёорхоногүй.



Эжынэйм харюу тон сэсэн мэтэ...
Ямаршые асуудалдамни харюу оложо үгэхэ.
Сэдьхэл бэеэрээ элүүр ябахадамни,
Эжыдэмни юуншые хэрэггүй мэтэ.



Хэн бэ даа намдаа шэб шэнэ костюм бэлэглэйт...
Ямаршые сэнтэй, шадаал хаа харуулхан үнгэтэй.
Бэе дээрэмни гоёор тааража нуугаа хаань,
гоё гэжэ мэдэхэб.
Хитадайшые, Россииншые, ямаршые гүрэнэй костюм
болохо.
Бэлэглэхэ болоо хаатнай,
дүшэн зургаанай хубсаһа үмдэдэгби.
Заал хаа түрэнэн үдэрэйм ерэхые хүлээнгүй,
Намайгаа баярлуулжа дүшэн зургаанай костюм асаржа
ерээрэйгты...
Олдоогүй хаань, хамаагүй, дүшэ найманай костюм
абаарайгты...
Халта томо болбол, барагтай байха гэжэ хананаб.
Хэн бэ даа намдаа шэб шэнэ костюм бэлэглэйт...
Нэгэ гоё смокинг.
Гэртээ үгы байгаашые хаам, телефоноо абаагүйшые
хаам...
Гэрэйм үүдэндэ шагтагалаад ошооройгты,
иимэ бэшэг бэшээд:
«Сайн, танай хүсэл ханалыетнай бүтээжэ,
шэб шэнэ костюм тандаа бэлэглэнэб...
Үдэр бүри үмдэжэ, зоной нюдэндэ гоёор харагдажа
ябаарайгты. Баяртай».



Үсэгэлдэр баярлажа ябааб,
мүнөөдэр баяргүй ябанаб...
Үсэгэлдэр найхан сэбэрхэн ябааб,
мүнөөдэр зүдэрүү юумэн ябанаб...



Шоколад хүн соо хайлана.



Нэгэ хүбүүн
сэдьхэлдээ баяргүй ажалаа хэжэ ябаа...
Эжынь тэрэ гунигыень мэдэржэ, ойлгожо,
хүбүүннээ асуугаа: «Яагаабши? Юун болооб?»
Хүбүүн харюусаа: «Би мүнөөдэр хургуулидаа таба абааб.
Теэд энэ табам намдаа баяр асараагүй бэлэй...
Миин зураг, миин тамга, дэбтэр дээрэм улаанаар
зураатай...
Эжы!? Табын хойноһоо бэшэ гүйхэгүйб.
Би өөрынгөө дуратай юумэ хэжэ ябаха ханаатайб...
Өөрынгөө дуратай юумэ хэжэ ябахадамни,
минии сэдьхэл баярлана».



Тэрэ хүн намайгаа зохидшоогоо бэлэй...
Харин би тэрэ хүниие зохидшоогоогүйб.



Тээ һээр харанаш!?
Энэ һээр хэншье хухалаагүй байна...
Харин шинии хухалаа юм һааш,
бишни шамдаа
ямаршье гүрэндэ амарха путёвко бэлэглэхэб.
Үгы үгы...
Шадаа юм һааш, соо шэнэ Тойота Премио бэлэглэхэб.
Үгы. Хухалаа юм һааш,
шэб шэнэ квартира шамдаа бэлэглэхэб, хотын дунда!
Үгы даа, үшөө гоё юумэ һанааб...
Хухалаа юм һааш,
Лэнд Ровер, квартира хотын дунда,
миллион түхэриг гээд булта шинии болохо.



hүтэй сай, хилээмэн, зөөхэй.



Намгар Лхасаранова шэнги
бүхы дэлхэй хушаха далинуудтай болохо һанаатайб...



Хуушан зураг шэнэ болоо...



Амтагүй эдсэн шэнги байгаа
тэрэ кино.



Намтай мұрысэжэ эхилээ һааш,
бишни зорюута шамдаа шүүгдэхэб...
Хажууһаа намайгаа харахадаш,
бүхы үсэдөө гаргажа байһан шэнгээр харагдахаб.
Харин үгы, мүнөөдэр шамдаа шүүгдэхэб.



Хони гаргаха дурагуйб...
Харин хониной мяха эдихэ дуратайб.



Баруун хармаан соом
табан зуун түхэриг хэбтэнэ...
Долоодохи хоногоо
энэ табан зуугаа носонгүй байнаб.
Долоодохи хоногоо халгангүй
зорюута мартаад байнаб.
Шэнэ телефондошье мүнгэн дутажа байгаад, абаагүйб...
Шэнэ хубсаһандашье мүнгэн дутаад, абаагүйб...
Нэгэ юумэндэ гамнааб. Ямар юумэндэ гамнаабиб?
Юундэ шэнэ телефон ба шэнэ хубсаһа абаагүйбиб?
Энэ асуудалнуудта нэгэ харюу бии...
Нэгэ бишыхан хүндэ зоной туһа хэрэгтэй болоод
байна...
Бишыхан бэеын аргалха, эм юумэ абаха
мүнгэн хэрэгтэй болоод байна.
Элүүр энхэ ябаха, газаагуур наадажа байха,
сасуутан нүхэдөөрөө гүйжэ, харайжа байхын түлөө
бултанаймнай түшэг хэрэгтэй болоод байна.
Хамтын хүсэн хэрэгтэй болоод байна.
Баруун хармаан соом
табан зуун түхэриг хэбтэнэ.
Бишыхан хүнэй бэеын аргалха
баяр гэжэ ханагдана.



Би шамдаа нобшын хүнэг бэлэглэхэб.
Тэрэ хүнэг соо хэрэггүй бодолнуудаа хаяхаш...
Ямар бэ даа юумэнэй түлөө суhalдахадаа,
гараһан муугаа минии хажуугаар үнгэргэжэ
тэрэ хүнэг соогоо хаяжа байхаш.



Түрэл нютаг Хүлөөшэмни
дэлхэйн жэмэс амтуулһан.
Һайхан зураг дайдамни
үнгын гоёо бадаруулһан.



Мянган солхообоор зуун солхообто юумэ абаад,
худалдааша эхэнэртэ хэлэхэб:
— Үлэхэн мүнгыень өөртөө абаарайгты...



Барилдаанай багша
минии барилдажа байхадамни хэлэдэг нэн:
— Хүдэлэ, бү зогсо!
Хүдэлэ, хүдэлэ! Гара!!! Гара тэндэхээ!
Аһаа! Заа! Баряд бай! Бү таби!
Баряд бай!
Багшын үгэнүүд гүнзэгы удхатай.
Миин зогсонгүй хүдэлхэ хэрэгтэй,
үгы һаа, шүүгдэхэш.



Сухалдахадаа
өөртөө асуудал табидагби:
— Юундэ би сухалданабиб?
Сэсэн үгөөр асуудалдаа харюусаад,
сухални тииһээр тарадаг.



Гэртэхинтээ хөөрэлдэхэдөө
хайн үгэнүүдээр хөөрэлдэгты...
Доошонь татадаг бэшэ, дээшэнь үргэдэг үгэнүүдээр.
Нүхэдүүдтээ хөөрэлдэхэдөө
сэдьхэл соогоо баяр мэдэрхэ,
этигэл түрэхэ үгэнүүдээр хөөрэлдэгты.
хайн үгэнүүдээр ерээдүй сагаа гоёор зурагты.
Гуниглажа байһан хүниие хайн үгөөр баярлуулагты.
Доошонь бэшэ, дээшэнь үргэдэг үгэнүүдээр
дуугарагты...
хайн үгэнүүдээр өөрынгөө жаргал дархалагты.



Намда олон юумэн хэрэггүй...



Улаан-Үдын шарай
хөөрхэн эхэнэрэй мэтэ...
Һайхан шарайнь
айлшадай сэдхэл хүдэлгэдэг.



Наратай найхан үдэр
хандайбша дээрэ гансааран нуунаб...
Хажуу тээһээ харахада,
хэнииеб даа хүлээһэн шэнгиб.
Гартамни талын сэсэг,
хажуудамни гоёхон машина зогсоо,
инаг дураяа хүлээһэн шэнги хүндэ адлиб...
Харин үгы, хэнииеш хүлээнэгүйб.
Энэ машина миниишье бэшэ.
Байгалаа эрьежэ ерээб.
Нангин далайгаа хоёр дахин тойрожо,
нобшо юумэнһээ сэбэрлэжэ,
хандайбша дээрэ амаржа нуугааб...



Дурд гэхэм
хүнэй үсөө ябадаг газарта...
Һэмээхэн хоргодоод
нэгэ жаа унтахам.



Гартам барюулагты минии диплом!
Би гэртээ ябахам.



Юундэ би шамдаа бэшэнэбиб!?
Шамтай ябахашьегүй аад лэ,
шамтай үнэн уулзахашьегүй аад лэ...
Бүхы хөөрэлдэһэн үгэнүүднай таамаг болоно гү?
Юундэ бэе бээдээ бэшэг эльгээжэл байнабибди?
Иигээд бэшэлсэжэл байха гүбди?
Ябан ошон саашаа юун болохоб?
Бэе бээдээ бэшэг эльгээжэл эльгээжэл,
Би бэшэнэб, ши бэшэнэш, би бэшэнэб, ши бэшэнэш...




Минии миисгэй
нюдэнэй шэл үмдэхэ дуратай...
Нюдэнэйнгээ шэлгүй газашаа гарахагүй...
Заал хаа нюдэндөө шэл зүүгээд
хүрхэй юумэн хотоороо алхалха.
Нүхэдөөрөө уулзахадаашье, шэлээ заажа байжа,
хүүлээ иишэ тиишэнь шэдэжэ байжа ябаха.
Эдеэлхэдээшье,
нюдэнэйнгээ шэлгүйгөөр эдеэлхэгүй...
Унтаридаа хэбтэхэдээшье,
нюдэнэйнгээ шэлгүйгөөр хэбтэхэгүй...
Тиимэ гайхалтай миисгэй.



«Нэгэ үдэрэй ажал» гэжэ юумэн ханагдаха...
Жэшээн, мартын гурбанда
үглөөнэй долоон сагһаа эхилээд
бүхы зон ондоо ажал хэхэ аргатай болохо...
Министр нэгэ үдэр почтальон болохо.
Почтальон министрээр нэгэ үдэр хүдэлхэ.
Депутат нэгэ үдэрөөр дуушан болохо.
Хатаршан нэгэ үдэрөөр депутат болохо.
Ганса нэгэ үдэр! Үдэшын долоо болотор.
Иимэ юумэнэй болоходо,
нэгэ үдэрэй ямар ажал хэхэбши?



Хүүгэн толгойн оройноо
нютагайм шарай гэрэлтэнэ.
Зүүн Хүхөөшын тэмдэгнээ
Ногоон сэсэгүүд мэндэшэлнэ.
Хүхөө шулуун эхитэй,
нангин дайдаар бүрхөөгдэнэ.
Наһанай Субарга сахюусантай,
манай Хүхөөшэ алтанхан.
Хүрээтэ жалга дахаад
уула бүхэн урилдана.
Уртын аршаанһаа хубаряд,
Хээтын үндэрөөр зэдэлнэ.



хоёр шубууд хөөрэлдэнэ



— Ямар харгы тон байнаар мэдэхэбши?

— Ажалнаа гэртээ ошодог харгы.



- Шэнэ һонин дуулгахаяа ерээб!
- Шагнажа байнаб?
- Үглөөдэр амарнабди.
- Ее-э-ээ...



- Үшөө юу хэжэ шадахабши?
- Эдeэлхэдээ бэрхэб, унтахадаа бэрхэб.



Тиихэдэ яагаа һэм бэ, тэрэ сагта яагаа һэм бэ,
тэрэ хүн тухай бү хөөрэ намда...
Бэшэ хөөрэлдэхэ юумэн үгы гү?



Хэн шамай эдээ шанажа һургааб?
— Эжымни. Эжыдээ баяртайб.



— Шинии салин хэдыб?
— Табан зуу мянга.
— Оо!...Иимэ ехэ гү?
— Мүнөө дээрээ арбан табые абанаб...
Аалихан дээшээ бодожол байха бэлэй.
Түрүүшээр хори болотор бодохо,
һүүлдэнь гуша мянга болохо,
һүүлдэнь зуу мянга болохо,
ябан ошон гурбан зуу болохо...
Тиигээд табан зуудаа хүрэжэ ерэхэ.



- Хэды дахин туршаабши?
- Табидахи туршалгадаа хүрэжэ ябанаб...
- Болоно гү?
- Хаа яа болоно, хаа яа болоногүй.



- Шатар наадахамнай гү?
- Наадаял те...
- Шүүгдээ юм нааш, хахад Улаан-Үдэ минии болохо.
- Заа, заа, халта аалида... Поселье шинии болохо.



- Ямар сагта толгойш түргөөр хүдэлдэг бэ?
- Һүни. Һүниин арбан хоёрһоо эхилээд.
- Үдэрэй сагта?
- Хүдэлдэггүй.



— Тамхи татажа байгаад намдаа баригдашахаш...
Яахабши?

— Тамхияа дууһан татаад, үшөө нэгэ тамхи гаргахаб...
Өөртөө бэшэ, танда.



— Хүбүүншни өөрөө мэдэхэ гү,
али ши харгыень заажа үгэхэгши?

— Өөрөө мэдэхэ.

Өөрэнэйн харгы, өөрэнэйн наһан.



— Би Чингис Раднаев шэнги дуушан болохо
hanaатайб.

— Оо, ямар дээгүүр hanaатайбши...
Амжалта хүсэнэб.



- Нэгэ бодол намай зобоогоо нэн...
- Харин би зобоохыень болигоо нэмби.
- Яагаад?
- Унтаад бодоходом бэшэ ерээгүй нэн.



— Үсэгэлдэр муу зүүдэ хараад,
мүнөөдэр дасан ошохо гэжэ бодооб...
— Юундэ ямар бэ даа юумэнэй болоходо ошодогбши?
Юумэнэй болоогүй байхада ошохо аргатайлши.
Хэзээшье, ямаршье сагта.
Заал хаа ямар бэ даа ушарай болохые хүлээхэ бэшэ...



— Хүн шам руу хашхараа бэлэй, ши яахаш?

— Урдаһаань баһа хашхархаб.

— Ши тэрэ хүнһөө илгархагүйш лэ те...

Тэрэ хүнтэй тон адли болохош...

Хоёр арьяатан шэнги урда урдаһаа хашхаржа
зогсохогтү?..

Арьяатанһаа нэгэшье илгархагүйт.



- Тэрэ хүн шамай сохёо бэлэй, ши яахабши?
- Хубсаһаа сэбэрлээд, саашаа ябахаб.
- Юундэ урдаһаань баһа сохилсохогүйбш?
- Хүндэ муу хэһэниинь өөртэнь хүрэжэ ерэхэ, харгынь урагшагүй байха. Хэһэн ушараараа өөрынгөө харгы хаана, өөртөө һаалта хэнэ бэлэй. Урдаһаань сохилсожо ороо һаам, тэрэ хүнтэй тон адли болохо бэлэйб. Би ондоо хүн ха юм биб. Өөрынгөө бодолтой.



- Шам тухай муу бодол тараагаа хаань яахабши?
- Тоонгүй байхаб. Тэрэ хүнэй бодол намай дайрахагүй.



— Машинын үүдэ хаахадаа аргаахан хаагаарай,
гүйнаб...

— Юундэ?

— Шангаар хаахадаа, эзэнэйн сэдхэл дайража
болохош.



- Унтажа садаагши?
 - Үгь.
 - Гэртээ ошожо нойртоо садаад ерэ...
 - Те ажални?
 - Ажалшни эндээ байха, хайшаашье ошохогүй...
- Ошо, ошо, унтажа садаад ерээрэй.



— Архи юумэ уунгүй байхаш шамда гунигтай бэшэ гү?

— Үгы. Архяар һонирходоггүйб.

Архиһаа миллион дахин дээрэ юумэн байдаг...

Жэшээнъ, дуу дуулаха, зураг зураха, хатарха, наадаха, шүлэг бэшэхэ, барилдаха, ном уншаха, зүжэг наадаха, зүжэг хараха, концерт нааданда хабаадаха, элдэб мұрысөөндэ хабаадаха, олон һонирхолнууд бии юм даа...

Эдээн сооһоо алинииньшье шэлэ, бултадаа ямаршье архиһаа миллион дахин дээрэ.



Ямар юумэ ондоо болгохо ханаатайбши?

— Үгы, ямаршые юумэ ондоо болгохо ханаагүйб...

— Юумэндэ оролсожо ондоо болгоходош,
буруу тээшээ боложо болохо...

— Буруу, зүб гэжэ байдаг гү те?

— Заримдаа буруушни зүб байжа байха.

Зүбшни буруу байжа байха.



Ши суhalдадаг гүш? Яагаад суhalдангүй ябадагбши?
— Те зарим зон бодонгүй таамаг дуугархaya hанадаг.
Үлүү юумэ дуугараа болобол, өөртөө хэлэхэш:
«Ай, энэш бодонгүй дуугарба, ехээр бээдээ абахагүйб».



— Шинии бодолоор, юун гээшэб жаргал?

— Ши элүүр энхэш — жаргал.

Ши хубсаһаар, эдеэгээр,

мүнгөөр дутажа байнагүйш — жаргал.

Шинии аха дүүнэр элүүр энхэ,

юумээр дутажа байнагүй — жаргал.



— Зондо өөрыгөө мэдүүлжэ, харуулжа ябаха хэрэгтэй гү?
Юун гэжэ һананабши?

— Халта бодожо үзэе... Жэшээнъ:

зон шам тухай мэдэжэ байхадаа, хэһэн ажалыешни,
бүтээһэн хэрэгүүдыешни, дуугарһан үгэнүүдыешни
мэдэжэ, мэдэсэтэй ябахадаа шам тухай хөөрэхэ аргатай
болоно.

Муу хэһэн юумыешни хөөрэхэгүй,
ганса һайн хэрэгүүдыешни хөөрэхэ болоно.

Харин нүгөө тала хаража үзэхэдэ,
өөрыгөө мэдүүлэнгүй ябанаш, юу хэжэ,
яажашье байһанаа хэлэнгүй ажаһуунаш...

Ойлгоходо хэнэйшье һанаан соо байхагүй болонош...

Шам тухай зон мэдэхэгүй,
энэ дэлхэйн һүүдэр шэнгээр харагданаш.

Өөрыгөө харуулжа байхадаа өөрыгөө мэдүүлнэ бэлэйш.

Нэгэтэ ямар бэ даа хүбүүн али басаган гү
шам тухай ном гаргаха гэжэ ажалаа хэжэ ябаха...

Зоной мэдээжэһээ, шинии нэрээр ном бии болохо.



- Өөр дээрээ хэды мүнгэнэй хубсаһа үмдөөд байнаш?
- Хоёр зуу мянганай.
- Оо...



— Үдэрөө яагаад эхилдэгбши?

— Миллионер шэнгээр эхилдэгби.

— Тэрэшни яагаад бэ?

— Те миин...

Бодомсоороо өөрыгөө жаргалтайгаар мэдэрнэш.

Сагаан удхатай, урагшатай бодолнуудыг уншанах,
хайн үгэнүүдэд дуугарнах.

Бээг хоринох, бээг зайланах, амтатай эдэд шананах.

Үмдэхэ костюмаа бэлдэнэш, үмдэхэ гуталаа сэлбэрлэнэш,
машинатай халаанах. Мүнөөдөрэйнгээ план бэшэнэш,
юу хэхэбши, энэ үдэр соо ямар хэрэгүүдэд бүтээхэбши.



— Ямар удаан нэгэ буузаяа эдинэбши?

— Бүхы амтыень мэдэржэ, яарангүй эдихэ дуратайб.

Ммм...



- Һайн үгэнүүдэй дууһашоо һаань яаха юмбиб?
- Дахин тэрэ һайн үгэнүүдээ дабтаарай.



- Үглөөгүүр бодомсоороо юу хэдэгбши?
- Телефонгоо носоогоод инстаграм соо нуудагби.



- Сүлөөтэйгши?
- Үгы, сүлөөгүйб. Гараа барилсахашье, дуугархашье сүлөөгүйб.
- Юу хэнэш?
- Бууза эдижэ нуунаб.



— Мүнөө сагта ямар хүсэлтэйби?

— Байгал далай амиды байһай, уһаараа хоронгүй, сэбэр арюун байһай.



— Тэрэ хүниие кинодо уриба бэлэйш...

Шамда үгы гээ наань яахабши?

— Дүү басагадаараа ошохоб.



- Ажалһаа хаяуулшоо һаа яахабши? Юу хэхэбши?
- Иимэ ушар зурагдахагүй гэжэ һананаб.
- Гэнтэ иимэ ушар зурагдажа болохо, яахабши?
- Тэрэ сагта эли болохо, яахабиб.



— Ши өөрыгөө бэлигтэйб гэжэ һананагши?

— Минии һанахада, хүн бүхэн бэлигтэй.

Сэдьхэлэй оёор соо бүхы бэлиг хоргодоотой бэлэй,
ганса уһалха хэрэгтэй...

Жэшээнъ, зураг зураха һонирхолтой юм һаа,
үдэр бүри зураһаар гоёор зурадаг болохош.

Дуу дуулаха һонирхолтой юм һаа,
үдэр бүри дуулаһаар гоёор дууладаг болохош.

Ямаршые юумэндэ һонирхолтой байгаа һаа,
үдэр бүри хүдэлһөөр хурса боложол байхаш.



— Хажуу тээхээ миллионер шэнгээр харагдана гүб?

— Зүүн тээшээ хара даа! Баруун тээшээ ...

Сэхээр! Байза байза...

Зүүн, баруун талаараа гээд арайл хүрэнэгүйш!

Харин сэхэ нюурайнгаа талаар

миллионер бэшэ, миллиардер шэнгээр харагданаш!



— Энэ бэе, энэ шэг шарайшни шамдаа найхан гү?

— Найхан даа!

Иймэ шэг шарайдаа, иймэ бээдээ баяртайб.

Эжы абадаа баяртайб.

Элүүр энхэдээ, жаргалтайдаа баяртайб.

Энэ бээдээ би дуратайб.



— О... ямар гоё басаган.

— Ошоод танилсыш те...

— Мүнөө гү?

— Үгы, нүгөө жэл! Мүнөө, мүнөө.

Өөр тухай хөөрөөрэй,

өөрынгөө хайн талаяа харуулаарай.

Харин шүлэгүүдээ бү уншаарай, гуйнаб...

Би уншаа хэмби шинии ажалнуудыешни,

мэдэнэб, ямар мэдэрэл асархаб тэрэ басаганда...

Бү уншаарай, гуйнаб.

— Юундэ?

— Тогтонгүй энеэжэ орохо...

Хэды уншахабши, энеэжэл байха.

Гэдэһэнэйнгээ үбдэхэ болотор энеэхэ,

хайрлыш тэрэ басага...



— Энэ хүн тон тэрэ хүн гү?

— Мүнөө дээрээ мэдэнэгүйб.

Нэгэ хэды саг хэрэгтэй, тиигээд эли болохо.



— Эндэ ная эжыгээ хүхээгээ нэмби...

— Яагаад хүхээгээбши?

Үглөөнэй зургаан сагта гэртээ орожо ерээд,
хэлээ нэмби: «Эжы, би басагатай болооб».



- Ямар ното шамда найхан бэ?
 - До. Шинии?
 - Ми.
 - М-м, бидэ хоёр гоёр таарана бэлэйбди!
 - Үшөө ямар ното гоёшоодогбши?
 - Соль.
 - Би — си бемоль.
 - Оо, дахин гоёр таарашоо бэлэйбди...
- Яахамнайб? Загс ошохомнай гү?



- Буряад эстрадын дуушадые мэдэхэгши?
- Мэдэхэб.
- Нэрлэ.
- Мэдэгма Доржиева, Дулма Сунрапова,
Чингис Болотов, Сэсэг Аюшеева, Ринчин Дашицыренов,
Чингис Раднаев, Алагуй, Сарюна Бальжинимаева,
Елена Борохитова, Дарима Цырендондопова,
Зорикто Тогочиев, Нонна Тогочиева,
Александр Саможапов, Инна Шагнаева,
Чингис Хандажапов, Жаргал Бадмаев...



— Ши юундэ ходо хүхюутэй ябадагбши?

— Энэ наһан гуниглажа ябаха наһан бэшэ...

Энэ наһан жаргалтай ябаха наһан.

Шарайдаа мийэрээ зуража ябаха наһан.

Иимэ юумэ мэдэжэ байхадаа иимэ хүхюутэй ябанаб.



— Гэнтэ шам дээрэ миллион түхэриг унашаха,
хайшань халгаахабши?

— Тон түрүүн сэдхэлээ тэгшэ болгохоб
иимэ гайхалтай ушарһаа...

һүүлдэнь һуугаад бодожо үзэхэб,

хайшань халгаа һаам дээрэ гээшэб.

Таамаг халгангүй, хэрэгтэй газарнуудаар тараахаб.

Мүнгөөр ядажа байһан газарнуудые мүнгэтэй болгохоб.

Аха дүүнэрэйнгээ ажал хэрэгүүдтэнь туһалсахаб.

Өөрынгөө хэрэг бүтээхэб.



гэдэһэн соо эрбээхэй ниидэнэ



Аба эжыдэшни баярые хүргэнэб
иимэ зохид басага үндылгэхэндэнь.



Зүрхэм алдуу хэхэгүй
нүхэрөө шэлэхэдээ...



Шиний хайхан мийэрэлшни
үгэнүүднээ сэнтэй, мэдэ.



Ши юу хэнэ?
Миин байгаа юм хаа, ерыш...
Амтатай эдээ шанахаб,
гоё кино харахабди.



Намдаа эльгээһэн бэшэгшни
тэрэ сагтаа тон хэрэгтэй байгаа.



Гэнтэ намдаа дурлашоо хаа,
хонходожо хэлээрэй...
Үгы юм хаа, бэшэг бэшээрэй.
Байжа ядаа хаа, такси баряад ерээрэй,
өөрөө тиигээд түлөөрэй.



Зохидоор, гоёор хубсалаад ерээрэй...
Найхан басагад байха.



Миин...
Бэе бээдээ байя.



Гэртээш?
Би мүнөө ерэхэб.



Онлайн гэжэ харагданагүйш...
Хаагуур ябанаш?



Минии гуталайм хажууда
шинии гутал хэбтэнэ...



Хасараа бэлдээд байгаарай,
ерээд таалахаб.



Лайк табихадам,
зүрхэншни халташыё ёг гээ гү?



Би дархалхаб,
ши шэрдэхэш...



Миний танил хүн
намдаа баяр бэлэглээд саашаа ябаа hэн...
Бэлэглэhэн баярын
шэг шарайдам элеэр харагдаа hэн.



Бидэ хоёрой харгы уулзажа,
би шамһаа асуухаб:

— Ши хайшаа ошонош?

Ши тиихэдэнь харюусахаш:

— Хайшаа ши ошонош, би тиишээ ошохоб.



Шинии энээш хаанашье дуулаа haа,
танихаб...



Дахин дахин бодол соогоо эрьелдүүлнэб
тэрэ болоһон ушар...



Бууза хараһан шэнгээр
тэрэ басаган намай хараа...



Шамайгаа баярлуулжа
өөрөө бүришье ехээр баярланаб.



Сэдхэлэйм үүдэн нээгдэнхэй байна...
Уринаб.



Намнаа шам хүрэтэр нэгэ алха.



Шинии үүдэншни нээгдэнхэй гү,
шамдаа айлшалха болоо наам...
Зүрхэнэйнгээ хилүүсэ барюулхагши,
наһаараа тэндэ ажаһуугаа наам...



Шинии унтаһан хойнош
бишни бодожо эдээ шанахаб...
Үглөөгүүр һэрихэдэшни,
гараа долёохоор амтатай эдээн
шэрээ дээрэшни шамайгаа хүлээжэ байха.
Түрүүшынхиеэ амталхадаа,
бүхы дурыем мэдэрхэш...
Хоёрдохиёо амталхадаа,
нюдөө хаагаад аниргүй һуухаш...
Һүүлшынхиеэ амталаад, намайгаа таалаад,
шэхэндэмни аалихан шэбэнэхэш:
— Баярлаа, минии дуран, амтатай даа, амтатай.



Фортепиано дээрэ наадаһан шэнгээр
бидэ хоёрой ажабайдал эхилхэ...
Би баруун гарай аялга зуража,
шэнэ хүгжэм наадажа ябахаб.
Ши тиихэдэнь зүүн гарай аялга зуража,
минии түшэг, минии шэмэг болоод ябахаш.
Баруун гарай аялга
зүүн гарай аялгагүйгөөр гансаардаха бэлэй...
Хооһон, тулгагүй,
нэгэ юумэн дутаһан шэнгээр мэдэрэгдэхэ.
Шагнагша зоной шэхэндэшье,
ганса баруун гарай наадан һонирхуулхагүй шэнги.
Мэтэ хоёр гарай наадан,
баян, хурса үнгэтэй, һайхан хүгжэм түрэхэ.
Тала дайдын һайхание харуулха,
сэдьхэл бүхэнэй сэсэг уһалха.
Фортепиано дээрэ наадаһан шэнгээр
бидэ хоёрой ажабайдал эхилхэ...
Би баруун гарай аялга зуража,
шэнэ хүгжэм наадажа ябахаб.
Ши тиихэдэнь зүүн гарай аялга зуража,
минии түшэг, минии шэмэг болоод ябахаш.



Хубсаһан дээрээ сайгаа адхажархихаб,
зорюута, шинии анхарал татажа...



Абаад ерэлхэн сэсэгээ мартаад ошожо ябахаб...
Ши тиихэдэнь араһаам хүсэжэ ерээд,
үгөөрөө намайгаа тогтоохош:
— Та энэ сэсэгээ мартаа бэлэйт!
Би тиихэдэнь: «Үгы, мартаагүйб...
Энэ сэсэг танда, тандаа орхёод гараалби».



Мяха татажа бууза хэхэб...
Олоор хэжэ гал дээрээ табяад,
шамдаа хонходоход:
— Бууза болохонь, ерэ түргөөр!



Би зураг зурахаб.
Энэ зураг соо сэсэг уналжа зогсохош.
Тойроод байгаали, сэлмэг үдэр байха.
Наран элшээ сасаха, сэсэгүүдшни халбарха.
Үбгэншни тээ углууһаа гараа харбайжа,
ажалһаа ерэжэ байха...
Шэг шарайдашни мийһэрэл зурагдажа,
арюун баяраараа нүхэрөө угтахаш.
Энэ зурагаа худалдаанай газарта табихаб.
Хэн бэ даа һонирхожо, гэртээ асаржа,
гэрэйнгээ хана дээрэ үлгэхэ.



Шэг шарайгаа дэн гоё бү болго...
Дэншье гоёор бү хубсала...
Наашаа хараад бү минхэрэ...
Минии хажууда үнөө бү таби...
Магад, шамдаа дурлашажа болохоб.



Юундэ дуратайб гэжэ бэшээбши!?
Шинии түлөө унтажэ шаданагүйб...



— Унтажа яданаб!?

Money 8392.

— Энэш юун гээшэб?

Энэш минии ВК-гайм пароль.

— Тиигээд?

— Орожо бүхы бэшэгүүдыем уншахаш,
теэд бүхы байһан басагадта бэшэхэш:

— Энэ хүбүүн сүлөөгүй, бэшэ бү бэшэлсэгты.

Тиигээд гоёор унташахаш, нэгэшье хурхирангүйгөөр.



Ерэхэдэшни, телефоноо болигоод носонгүй байхаб...
Ерэхэгши?



Өөр тухай хөөрэ намда...
Хаанахиимши, ямар омогойбши?
Өөр тухай хөөрэ намда...
Юу хэдэгбши? Шамайгаа мэдэхэ ханаатайб...
Минии хонирхол шам дээрэ буужа,
бодол соом асуудалнууд түрөө бэлэй.
Өөр тухай хөөрэ намда,
шам тухай нэгэ жаа мэдэхэ ханаатайб...
Ямар хүгжэм шагнаха дуратайбши?
Магад, ерээдүй сагай
агуу дуушантай хөөрэлдэжэ байнаб...
Магад, ерээдүй сагай
агуу хатаршантай хөөрэлдэжэ байнаб...



Шинии зураг харахадаа,
шам тухай дуу зохёохоёо ханадагби...
Тэрэ дуун соо иимэ үгэнүүд байха:
— Шинии шарай гоё зураг шэнги,
шамайгаа хараха бүрим
сэдьхэл соомни наран бултайдаг.
Шамайгаа хараад уярха бүри
шамһаа хурахаяа ханадагби:
— Ши зорюута иимэ зураг табяагши?
зорюута намай зобоохо гэжэ...



Мүнөөдэр унтангүй байхамнай гү?
Һүнийн гурба болотор кино харахабди,
Бууза шанахабди,
Ши хоюуландаа суши захихаш.
Би тэрэ сагта дэлгүүр ошожо пэшээни,
шоколад юумэ абаад ерэхэб.
Энэ һүни бидэ хоёрой болохо. Тиихэмнай гү?



Шамтаяа уулзахадаа,
шамдаа эдгээ шанаха дуран хүрэдэг...



Иимэ гоё болохош гэжэ мэдээгүйлби...



Иимэ хүйтэндэ
унтаха һууриешни халаагаад байхаб...
Хүйтэнһөө дулаан хүнжэл соо орожо дулаасахаш.
Иимэ хүйтэн соо ябахадаа мэдэжэ байгаарай...
Дулаан гэрэй агаар, халуун сай, амтатай эдеэн,
дулаан унтари гэртээ ерэхэдэшни хүлээжэ байха.



Би шамдаа хубсаһа бэлэглэхэб...
Тэрэ хубсаһан дээрэ би зураатай байхаб.
Томоор амаа ангайһан,
мэндээ хүргэжэ зогсохоб.
Шамһаа холо байхадаа
хубсаһан дээрэшни байхаб...
Үглөөгүүр бодоод нюур гараа угаажа байхадаа
гэрэлдэ намайгаа хараад мийэрхэш.
Түрүүшын бодолшни нам тухай
сэдьхэлэйш баярые тунаахагүй.
Би шамдаа хубсаһа бэлэглэхэб...
Тэрэ хубсаһан дээрэ би зураатай байхаб.
Томоор амаа ангайһан,
мэндээ хүргэжэ зогсохоб.



Гал дээрээ түлээ нэмэжэ байгаагүй хаашни,
унтаршаха бэлэй...
Унтархагүйнь түлөө нэмэжэ байгаарай.
Тэрэ гал шамайгаа дулаасуулха.
Тэрэ гал нүхэрыешни дулаасуулха.
Жэшээнъ,
Түлээн — шинии бодолнууд, үгэнүүд.
Носожо байһан гал — танай хөөрэлдөөн.
Ши түлээ нэмэхэш, нүхэршни түлээ нэмэхэ,
иигээд лэ гал гуламтаяа унтаргаангүй байхат...
Түлээгээ нэмэхэээ мартангүй,
бэе бэеэ хайхан үгөөрөө дулаасуулхат.



Үглөө гү, нүгөөдэр гү
мүнгэбшэшни туража эхилхэ.
Хэдышье тарган байгаа юм наа, тураха.
Энэ ушар мэдэнэ ха юм ши... харин
тэрэл тарганииень алдахагүй гэжэ
бишни һэмээхэн, сүлөөгүй юуб даа хэжэ байхадашни,
кино юумэ хаража байхадашни,
бүтэн мянгануудаар мүнгэбшыешни таргалуулхаб.
Мяхатай, өөхэтэй болгоод, сэбэрхэн,
монсогорхон болгоод, тэрэл һэмээхэнээр,
нюур гараа угаажа байхадашни,
таһалга соо унтарияа бэлдэжэ байхадашни,
үшөө нэгэ мянгые шиихаад,
һөөргэнь хармаан соошни хэхэб...



Уржадар шамтаяа танилсаһан байгаад,
үни заяанай шэнги шамайгаа мэдэнэб...
Хөөрэлдөөн соогоо бэе бээе хахад үгөөр ойлгонобди.
Ямар гайхалтай...
Бэе бэеһээн эсэнэгүйбди, залхуурнагүйбди.
Хэдыш дуугаржаш байгаа һаа, һаалта болоногүйбди.
Мэдэрэн бодолнуудаа таанабди.
Магад, хоёр заяан ушаран уулзаба,
уулзаха үдэрөө оложо... Хэн мэдэбэ.
Хэрэгтэй хэрэггүй үгэнүүдээр бэе бээе хүхээнэбди.
Гайхалтай түргөөр зохёһон дэлхэйнгээ,
эхи захатай хана юумыень, дуратай үнгөөрөө
буданабди.
Хамаагүй аашалнабди, нааданабди.
Арбан жэл сугтаа нүхэрлэжэ байһан шэнги байнабди...
Уржадар шамтаяа танилсаһан байгаад,
үни заяанай шэнги шамайгаа мэдэнэб.



Фортепианын хажууда халта зогсо, гуйнаб...
Гарташни бамба сэсэг байха,
үһэншни табигданхай, үнгэрһэн сагай найхан үе
һанажа,
үнэн зүрхэнһөө мийһэржэ зогсохош.
Нюдэндэшни баярай гал носожо,
арюун энхэрэл намдаа эльгээхэдэшни,
бишни тэрэ сагта, шинии найханииеш мэдэрээд,
бүхы энхэрэлыешни өөр соогоо шэнгээгээд,
шэнэ хүгжэм зохёожо туршахаб.
Гоё хүгжэмэй түрэжэ эхилээ һаань,
фортепианын хажууда һэтэ зогсодог болохош...



Шинии нэрээр кафе нээхэб.
Шэнэ эдээ ханахадаа,
тэрэ эдеэгээ шинии нэрээр нэрлэхэб.
Шэнэ хуури дархалхадаа,
шинии нэрээр тэрэ хуурияа нэрлэхэб.
Энэ кафе соо шам тухай дуун дуулдаха...
Зургаа дахин шинии нэрэшни
энэ дуун соо дабтагдаха.
Энэ кафе соо агуу зүжэгшэн эдеэлжэ хууха...
Гэнтэ бодоод шам тухай шүлэг уншажа эхилхэ.
Уншажа байхадаа
хэды хэды дахин нэрыешни дабтаха...
Элдэб удха ушарнуудаар
шинии нэрыешни дээшэнь үргэхэ.
Наһанай түүхэ соо оруулан,
шинии нэрээр зүжэг зохёохо.



- Дуранайнгаа халижа эхилээ haань, яахабши?
- Шам дээрэ адхахаб.



Сайн.

Би таниие найхашаагааб...

Таниие харахадаа,

зүрхэм түргөөр тоншожо эхилнэ.

Танай эжы абатнай

тандаа найхан шарай, найхан бэе бэлэглээ юм...

Танаа найхашааж байгаад

сэдьхэлыетнай мэдэхэ ханаатайб.

Намдаа утаһынгаа тоонууды бэшэжэ үгыт ...

Би тандаа сүлөөтэй байхадатнай хонходохоб.



Баяртай бодол зохёогоод,
шам руу шэдэжэрхихэб...
Тэрэ бодол шэг шарайдашни буужа ерээд
хайхан мийэрэл зураха.



Хорёогой газраа яаралгүй хүгжэм наадажа эхилхэ...
Би тиихэдэнь шамдаа дүтэлөөд,
баруун гараа гуя дээрэшни табяад,
зуун гараараа баруун гарыешни баряад,
хүгжэмэй аялга соо шэнгэжэ байн,
бэе бэеынгээ шэхэ найхан үгөөр гэжэгэнүүлжэ байн,
өөһэдынгөө хорёо соо хатархабди...



- Ши үнeэ хаажa шадахагши?
 - Аhaа, шадахаб.
 - Шүлэ шанажа? Бууза хэжэ?
 - Шадахаб.
 - Зөөхэй бүлэжэ?
 - Шадахаб, шадахаб.
 - Минии хамган боло тиигээ юм хаа...
- Намда тон иимэ бэрхэ хамган хэрэгтэй.



Хүгжэм бэшэдэг хүндэ
шам тухай дуу захяа һэмби...
Тэрэ хүгжэмшэн намһаа һураа һэн:
— Ямар хүн бэ?
Тэрэ хүн тухайгаа халта хөөрыш намдаа.
Би тиихэдэнь хэлээ һэмби:
— Тэрэ хүн хүүгэдүүдтэ дуратай.
Хүндэ туһалхашье, түшэг болохо аргатай хүн.
Үсэд, номдоо бэрхэ, зосоогоо шанга хүн.
Сэдьхэлээрээ сагаан хүн. Гоё хүн.
Энеэхэ, хүхихэ дуратай хүн.
Дэлхэйгээр ябаха һанаатай хүн.
Зонтой танилсаха дуратайшье,
Энэ хүнэй нүхэд олон.



Хорёо соош шэб шэнэ велик зогсожо байха...

Барюул дээрэнэ иимэ бэшэг:

«Энэ велик дээрэ нуугаад намдаа ерээрэй» ...

«Сугтаа» гэжэ нэрэтэй кафе соо шамайгаа хүлээжэ нуухаб.

Ерэхынгээ урда тээ гоёор хубсалхаяа бү мартаарай.

Би өөрөө тон гоё хубсаһаяа үмдөөд байнаб.

Гоёлой хубсаһан дороо дотор хубсаһа үмдөөрэй,
ябажа байхадаш, халхин үлээжэ дааража болохош...

Халта яараарай, бишни шамайгаа хүлээжэ байнаб.

Велигэй гэнтэ эбдэршоо хаань, такси баряарай.

Харин ерэхэдэшни, үгы байжа байхаб, бү гайхаарай.

Магад, шамайгаа хүлээжэ байхаб,

магад кафегай эзэн шамдаа бэшэг барюулха:

«Хүлисөөрэй, би шамай аяар зургаан саг хүлээгээб...

Нэгэ газартаа нуужа ядаад, байжа ядаад гэртээ ябаа
бэлэйб.

Үшөө уулзахабди даа. Дахин уулзатараа».



Хамтын байра соо
дүрбэдэхи курсын оюутан басагандаа хонходоо
хүбүүн: «Гал дээрэ хорин бууза табяаб...
Мүнөө найма хахад байна, юһэ болоходонь абаарай.
Тиигээд өөрынгөө байра соогоо асаржа,
басагадаараа бууза эдижэ баясаарайгты...
Энэ минии бэлэг шамдаа!
Эхэнэрнүүдэй хайндэрөөр шамайгаа амаршалнаб!»
Басаган: «Ммм, баярлаа, ямар гоё бэлэг ханааш...
Шамдаа үлөөхэ гүбди?
Үгы, үгы, би садхаланби. Буузадаа садажа,
буузын амһарта бусаахаяа бү мартаарай, аһаа?»
— Заа.



Шинии гарнуудшни
бүхы дэлхэйн гарнуудһаа гоё гарнууд.
Шинии гарнуудшни
уран зураашын гарһаа һайхан гарнууд.
Шинии гарнуудшни
бууза хэхэ, дуран тухай шүлэг бэшэхэ,
лимбэ дээрэ наадаха гарнууд.
Харин энэ гарнуудаараа,
үхэрэй шабааһа бү сохёорой...
Энэ һайхан гарнуудаараа
түлөө юумэ бү хахалаарай...
Энэ гарнуудаараа
хүйтэндэ бээлэйгүй бү ябаарай...
Энэ гарнуудаа гамнаарай, гуйнаб.



Шинии түрэлэн үдэр,
өөртөө шэнэ хубсаһа абахаб.
Хубсаһаяа шэнэлээд,
шамдаа арбан бууза бэлэглэхэб.
Тэрэ арбанай гурбаниинь шинии болохо,
долоониинь минии болохо.



Нэгэ сэсэг таһалаад
холын газар нийдэжэ ошохоб...



Минии хайн үгэнүүдэйм суурян
шэхэндэшни дуулдажал байһайг.



Шинии альган
минии альгантай ниилээд...
Мэдэрнэбди,
бэе бэеынгээ дулаа.
Минии дулаа
шинии сэдхэл дулаасуулаа.
шинии дураар
минии сэдхэл халбараа...



Өөрынгөө дураар
намдаа таараха хубсаһа абаад ерэ!
Би шамай хүлээжэ байхаб...
Харин мэдээрэй,
абаһан юумыешни бултыень үмдэжэ үзэхэб...
Өөртэмни гоё шэнги байгаа һаань,
шинии амта минии амтаар тааралдаа һаань,
минии басаган болохош...
Үгы һаань, хоёр тээшээ тарахабди.



Сэдьхэлэйшни зула унтараа бэлэй,
би носоохоб...
Минии зула унтараа бэлэй,
ши носоохош.



Гүлгэн нохой абаад ерээрэй...

Тэжээхэбди.

Хоюулан ээлжэлээд эдеэлүүлхэбди.

Дураяа мэдүүлжэ тэбэреэд таалахабди, наадахабди...

Гүлгэн нохой абаад ерээрэй...

Эрэ байгаа хаань, би нэрэ ханахаб,

эмэ хаань, ши нэрэ ханахаш.



Түрүүшын үдэр
Могойтоһоо Москва хүрэтэр намһаа холо һэнши.
Хоёрдохи үдэрынъ
Москва хотоһоо Шэтэ болотор холо һэнши.
Гурбадахи үдэрынъ
Шэтэһээ Казань болотор холо һэнши.
Дүрбэдэхи үдэрынъ
Казань хотоһоо Эрхүү болотор холо һэнши.
Табадахи үдэрынъ
Эрхүү хотоһоо Улаан-Үдэ болотор холо һэнши.
Зургаадахи үдэрынъ
нэгэ гэр соо байдаг болообди.



Хонхондонгүй байха аргагүйб,
хоолойшни дэншье найхан...
нэтэ шагнажа нуухаар.



Тон гоё хубсаһаяа үмдөөд хүлээжэ һуугаарай,
наяд оной трактораа гаргаад гүйлгэжэ ерэхэб.
Бүхы хотоор хатайлсахабди...
Хүлээжэ һуугаарай, шопинг хэхэбди.



Ши дурлажа турша,
амтатай мэдэрэл байха.



луу намдаа бэшэнэ



Туһалха аргатай юм хаа, туһала.



Хаянгүй туршажал байгаа нааш,
заал наа болохо.



Ямаршые юумэнэй болоо хаань,
аажам байгаарай...



Хэлэжэ шадаагүй наа, бэшэ.



Сэдьхэлээрээ таараха зоноор хөөрэлдэ.



Үаалта бү боло.



Алдуу хээш!?

Бараг, бараг, саашаа яба, бү тогто...



Бү дабһала...

Хүн бүхэн өөрынгөө дураараа дабһалха.



Өөрынгөө харгы зура.
Өөрынгөө һуури бэдэрэ.



Абьяагүй хэ, абьяагүй шэлэ.



Шинии юртэмсэ шамһаа бэшэ
хэншые эбдэхэ шадалгүй.



Нэтэ аажам байхагүй...
Заримдаа шуурган болохо,
заримдаа бороон орохо.



Зарим асуудалнуудта харюу хэрэггүй.



Хатаһан талхаяа нобшын хүнэг соо хаяжа байхадаа
бодожо үзөөрэй...

Ямар олон зон энэ талхаар дутана гээшэб...



Туһалжа байһан зондоо
«Баярлаа» гэхээс бү марта...
Үгөөрөө туһалсана гү,
ажал хэрэгтэшни туһалсана гү,
ямаршые юумээр туһалсахадань,
«һайн даа» гэхээс бү марта.



Шадаха юумээ хэжэл яба.



Ши шийдхэнэш,
хэндэ өөрынгөө сагаа бэлэглэхэш.



Хүн дээрэ сухалаа гаргангүй,
орондонь газаа гаража хашхараад ерэ.



Юумэ дуугархадаа бодоод дуугара,
таамаг бэшэ...
Шадаал хаа хүнэй сэдхэл дайрангүй.



Хэнш бэшэ болохоб гэжэ бү ай.



Амтагуй хаань, орхёорой...



Өөрыгөө мэдэжэ бай...
Өөрыгөө мэдэжэ байхадаш,
сэдьхэлыешни хэншье дайража шадахагүй.
Өөрыгөө найнаар мэдэжэ бай.
Хэр таарахабши,
хэр энэ тэрэ юумэ хэжэ шадахабши...



Дэбхэрхэ сагшни дүтэлжэ байна,
бэлдэжэ бай.



Гоёор, ёһоорнь зураха гэжэ бү оролдо...
Яагаад харанабши, тиигээд зура.



Нэгэ таһалга соо гурбан хүниие оруулхынгаа урда
таараха болихыень мэдээд оруулаарай.



Бодол шинии эзэн бэшэ,
ши бодолойнгоо эзэнши.



Бууза хэхэдээ
мяхыень бү багадуулаарай.



Тэрэ сагта болоһон ушарнууд тэндээл байг.
Наашань бү тата.



Тон түрүүн өөрөө найнаар ябажа нура...
Тиигээд хүүгэдүүдтээ заажа үгэ,
яагаад ябаха хэрэгтэйб.



Мэдэ.

Муу юумэ хэхэдэшни,
шамдаа хүрөөгүй хаа, хүүгэдтэшни хүрэжэ болохо.
Өөртөө хамаагүй хаа, хүүгэд тухайгаа бодо.



Эдээндээ мөнгөө бү гамна.



Өөрөө муугаар ябаагүй нааш,
харгыдашни наалта хэхэ юумэн байхагүй.



Ургахагүй юумэ бү уһала.



Ажалайнгаа хэрэг бүтээжэ байхадаа,
буузаһаа эхилээрэй...
Ажалшни гоёор ябаха.
Харин ажалшадтаа бууза асараа һаашни,
ажалшни бүри гоёор ябажа эхилхэ.



Хүнэй мүрөөр ябаа хаа,
өөрынгөө мүр зурахагүйш.



Зоной туһаламжаар юумэн бүтэдэг.



Гэнтэ унашоо хаа, бодоорой.



уулзатараа

Элбэг Зандраев

#гоёорбэшээтэй

Корректор З. Арданова

Подписано в печать 24.04.2019. Формат 60х90/16. Печать офсетная.
Бумага офсетная. Гарнитура PT Serif. Печ. л. 16.
Заказ № 745, тираж 300 экз.

Отпечатано в типографии «НоваПринт»
670000, г. Улан-Удэ, ул. Ранжурова, 1
Тел. (3012) 212-220, 212-552